

ipsum karitatis intuitu et interventu precumstrarum firmetis consilio et auxilio roboratis, ita quod preces nostras sibi sentiat profuisse, et nos vestris exinde teneamur obsequiis non deesse.

O quam metuendus est locus iste, locus in quo totius religionis speculum, totius seminarium honestatis: locus in quo sapientia eloquentie, eloquentia sapientie felici matrimonio, felici federe copulantur, locus procul dubio de quo arbitror esse dictum: 'Terribilis est locus iste, hic domus Dei et porta celi' ¹⁾. Et quid mirum, si timor et tremor venerunt super me, quid mirum, si trepidavi timore in tanto loco michi personam et auctoritatem preripere proloquentis! Certe inmirum ²⁾: michi namque est timor, michi maxime, qui litteraturam non cognovi, qui balbutientis sum eloqui, qui cum Moyse et cum Jheremia dicere possum: 'A a domine Deus, ecce nescio loqui' ³⁾. Michi etenim nec panis in cophino nec oleum in lechito.

(f. 103 v.) Cum inter cetera pietatis opera maximum sit visitare infirmos, alere esurientes, vestire nudos, credimus cujusque anime saluti ⁴⁾, ad edificationem domus Dei in qua cotidie Patri Filius immolatur, fidelium mentes excitare, et ad ejus consummationem magis magisque excitatas inclinare. Inde siquidem est, quod sancta et venerabilis ecclesia N. suos nuntios ad vestram ⁵⁾ dirigit dilectionem, que licet a diebus preteritis casuali incendio concremata fuerit, inde miro artificio et opere sumptuoso incepit reedificari. Ipsa enim in renovando capite suo, quia jam corpus renovavit, ex gratia Dei et elemosinis fidelium instanter laborat. Rogat autem et vos pro ipsa, ut cum ipsa rogamus, quatinus ejusdem ecclesie nuntios, cum ad vos venerint, omnibus aliis predicatoribus cum breviculis suis postpositis, absque dilatione et exactione aliqua in ecclesiis vestris benigne recipiatis et recipi faciatis, plebesque vobis a Deo commissas, ut illis benefaciant, diligenter et sollicitate commoneatis. Volumus autem et precipimus, ut si ad vos venerint, ob gloriose Virginis reverentiam apertis ecclesie januis et pulsatis campanis eos recipiatis et pro eis parrochianis vestris verbum predicetis divinum.

Noverit dilectio vestra, quod H. quondam prepositus Rem. in presentia nostra constitutus nobis ⁶⁾ presentium latorem pro (se) constituit responsalem, in causa quam habet adversum N. coram vobis auctoritate apostolica decidendam; ratum habiturus, quicquid idem N. in presentia nostra ⁷⁾ dixerit vel fecerit quantum ad hunc diem.

Reverendo patri ac domino Dei gratia L. episcopo, R. divina miseratione Carn. ecclesie minister humilis ⁸⁾, tam de-

1) Gen. 28, 17. 2) sic! vielleicht statt 'non mirum'. 3) Jerem. 1, 6.
4) scil. conducere. 5) nostram Hs. mit einer in derselben überaus häufigen Verwechslung. 6) vobis Hs. 7) vestra? 8) Reginald war von 1187 bis 1217 Bischof von Chartres.